



Briavan von Vorsitzar von 31 lentz 2020

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
14	Earstnoat Font: auzzaln an darzuar auzordnung zo giana vür.	1. Auzzala in Earstnoat Font vor allz daz sèll boda khint khött in vorbort, in gântzan € 7.000,00 sa untaregelekk pinn soi provedimént n. 74 vt. 15 kristmånat 2015 vor € 4.000,00 un pittar determina von vorvüarar von Sotziål Dianst n. 42 vt. 31 kristmånat 2019 vor åndre € 3.000,00, pellar però tarfma nåschaung bazta iz khent gemövalt vo ditza gèlt, z'soina sichar ke az mocht khemmen auzgezalt az sai boroatet zo maga lai nützan nå azpe da auzmacht dar Regolamént khött in vorbort; 2. Zo bestetega ke ditza maz mocht khemmen gahaltet azpe darzuar in sèll boda iz khent azugemacht von Beleschlânt, boda iz augeroatet in vorbort, un iz gemacht zo maga gian inkeng pezzar in sèlln bodasan hãm mengl; 3. Zo khöda ke bazta bart khemmen gezert vor disan provedimént iz sa khent inngeschribet affon kapìtl 1515 – p.d.c.f.1.4.2.2.999– (Misiong 12 – Progråmm 5 – Titl 1 – Macroaggregato 4) vodar vorsich-tege roatom vo haür boda sa drau hatt ditza gèlt in konto von sèll boma ventzart von åndarn djar;

15	Kassa bèkslom vodar vorsichtege roatom von Toalkamou vodar Zimbar Hoachebene vor di djar 2020-2022.	1. Åzonemma, nå allz in sèll boda khint khött in vorbort, di kassa bèkslom vodar vorsichtege roatom 2020-2022 boda innhaltet baz zo tüana darmitt pinn sèll boda iz geventzart atz 31 krisastmånat 2019 lai vor bazta ågeat in kapitl 1031 – bazma zert vor ågestèllte geschafft in åndre Entn – p.d.f. 1.1.1.1.0, Misiong 1 Progråmm 2 Titl 1 Macroaggregato 1; 2. Zo khöda ke di glaichom vodar vorsichtege roatom khint nèt gebèkslt; 3. Zo macha hãm disan provedimént in schatzhaltar nå in sèll boda auzmacht dar art. 216 kòmma 1 von D.Gsz n. 267/2000; 4. Zo khöda ke, biavl gèlt ’z izta hintargestånt un in roatordung vo biavl in mearar un biavl in mindar, atz 31 kristmånat 2019, bart khemmen augeroatet verte, vor dar rèchnung vodar roatom 2019;
16	Ånemmen in prodjèkt gehozt “Am♥revol-mente”, drinn in sèll boma bill vürtrang zo macha khennen in téma von laüt boda unsinnen vorz djar 2020	1. Åzonemma in prodjèkt gehozt “Am♥revol-mente” boda khint khött in vorbort drinn in daz sèll boma bill tüan zo macha khennen in téma von laüt boda unsinnen vorz djar 2020 un boda iz nidargeschribet garècht in di khlupp gehenk disan provedimént un boda vürlekk untarzolega in gântzan vorz djar 2020 € 7.331,59; 2. Innzogeba in vorsch zo haba in schütz vodar Provìntz vorda auz iz di zait von 15 abrèl, schutz boda bart mang soìn sin dar 80% von sèll boda khint zuargètzt z’zera; 3. Zo vorschiaba aftnan spetarn provedimént innzoschraiba afte roatom vo haür biavl ma bart zern in gântzan, provedimént boda bart khemmen ågenump balma bart bizzan vo biavl ’z izta dar schutz zuargètzt vodar Provìntz nå azpe ma khött affon pellare punkt;